



SLUŽBA  
ZA POSLOVE  
SA STRANCIMA  
SERVICE FOR  
FOREIGNERS'  
AFFAIRS



DRUŠTVO CIVILNOG KRETAJKRIŽA BOSNE I HERCEGOVINE  
OPŠTARNO UPRIZORNO SPITANIKARNA BOSNE I HERCEGOVINE  
RED CROSS SOCIETY OF BOSNIA AND HERZEGOVINA



# PRISUTNOST MIGRANATA IZVAN PRIVREMENIH PRIHVATNIH CENTARA U BOSNI I HERCEGOVINI

Novembar 2021

RUNDA 07



32 općine  
u  
6 kantona



174  
lokacija  
pokriveno



578 migranata izvan  
centara,  
od ukupno 585  
Ispitanika

\*Od kojih 207 u privatnom smještaju

09. novembra 2021, sedma zajednička vježba provedena je od strane IOM-a u Bosni i Hercegovini (BiH) zajedno sa Službom za poslove sa strancima<sup>1</sup> (SPS), uz podršku Crvenog križa (CK) Federacije BiH (FBiH) kako bi prikupili informacije o broju migranata i tražioca azila<sup>2</sup> koji se trenutno nalaze u državi. Svrha ove vježbe je da se pruži okvirni broj migrantske populacije koja nije smještena niti registrovana u jednom od Privremenih prihvatnih centara (PPC) u datom trenutku. Sačinjeno je devet timova od ukupno 28 popisivača (22 muškaraca i 6 žena), uz dodatnih 11 inspektora SPS-a (8 muškaraca i 3 žene) i 10 uposlenika CK (6 muškaraca i 4 žene). Vježba prikupljanja podataka je implementirana u 6 kantona, 32 općine, na ukupno 187 lokacija, i to: 77 lokacija u 7 općina Unsko-sanskog kantona, 48 lokacija u 10 općina Tuzlanskog kantona, 21 lokacija u 4 općine Kantona Sarajevo, 22 lokacije u 5 općina Hercegovačko-neretvanskog kantona, 4 lokacije u 4 općine Zapadno-hercegovačkog kantona i 2 lokacije u 2 općine u Kantonu 10 (vidi [Mapu](#) na str.2).

## DEMOGRAFIJA I LOKACIJE

Ukupni broj identifikovanih migranata na posjećenim lokacijama je 585 od kojih je **578\*** izjavilo da nisu smješteni u ni u jednom od postojećih PPC-a u BiH.

Broj migranata u sedmoj rundi je manji od očekivanog, no to se može objasniti sa nekoliko čimbenika koji su uticali na prikupljanje podataka, kao što su broj angažovanog osoblja i broj posjećenih lokacija, koji ograničavaju raspon djelovanja, kao i loši vremenski uslovi, konkretno velike poplave koje su zadesile dio zemlje, posebice na području Kantona Sarajevo i Hercegovačko-neretvanskog kantona, zbog čega su neka područja bila nepristupačna.

Nadalje, kao što je navedeno u prethodnim rundama, prisustvo uposlenika SPS-a u timovima mogla je doprinijeti manjoj prisutnosti migranata na vanjskim lokacijama. U skladu sa prethodnih pet rundi, broj migranata koji su se izjasnili da nisu smješteni u prihvatnim centrima, od ukupnog broja migranata, nastavio je rasti: 91% u prvoj rundi, 97% u drugoj rundi, 99% u trećoj rundi i gotovo 100% u četvrtoj, petoj, šestoj i sedmoj rundi.

**Afganistanci (50%) i Pakistanci (20%)** čine dvije najzastupljenije nacionalnosti<sup>4</sup> van PPC-a u BiH, zatim slijede Iranci sa 7%, te Egipćani i Marokanci sa po 5%. Ostale zastupljene nacije su: Alžir (2%), Irak (2%), Sirijska Arapska Republika (1%), Bangladeš, te Indija, Turska i Gana sa manje od 1%. Za razliku od prethodnih rundi, u ovoj se Irak ne nalazi među prvih 5 najzastupljenijih nacija.

Statistički podaci o spolu i dobnoj skupini pokazuju da većinu migranata izvan PPC-a čine **odrasli muškarci (441)**, zatim dječaci (54), djevojčice (44) i odrasle žene (38). Sveukupno, odrasli muškarci čine 76% ukupne migrantske populacije identifikovane izvan PPC-a u BiH. **Najviše djece je porijeklom iz Afganistana (80%)**, zatim iz Egipta (7%), Irana (6%) i Alžira (2%) što je u skladu sa Rundom 06, jedino izuzeće je Pakistan, koji se u ovoj rundi ne pojavljuje.

Od četvrte runde uvedeno je dodatno pitanje kako bi se prikupile informacije o provincijama iz kojih dolaze migranti koji su porijeklom iz Afganistana. U sedmoj rundi, od ukupno 301 migranta iz Afganistana, 132 (44%) je iz provincije Kabul, zatim 18

1. Služba za poslove sa strancima koja je nezavisna administrativna jedinica unutar Ministarstva sigurnosti je odgovorna strana za registraciju svih stranca na teritoriji BiH, kao i za izdavanje atestacija, uključujući atestacije za one koji izražavaju želju za azilom. Ministarstvo sigurnosti je također odgovorno za upravljanje Imigracionim centrom i privremenim prihvatnim centarima na području BiH.

2. Kako nije vršena provjera dokumentata tokom provođenja vježbe, pod migrantima također podrazumijevamo izbjeglice i tražioce azila.




2,866 migranata smješteno u PPC

2,266 slobodnih kreveta dostupno u PPC<sup>5</sup>


(6%) iz Wardak, 16 (5%) iz Kapisa, 15 (5%) iz Laghman, 12 (4%) iz Ghazni, 11 (4%) iz Daykundi, 10 (3%) iz Balkh, 10 (3%) iz Kunar, 7 (2%) iz Parwan, 6 (2%) iz Bamyana, 4 (1%) iz Takhar, 3 (1%) iz Baghlan i 2 (1%) iz Kunduz. Informacija o provinciji iz koje dolazi 55 (18%) migranata je nepoznata. Zanimljivo je napomenuti da su u prošloj rundi provincije Baghlan i Kunduz bile druga i treća najzastupljenija provincija porijekla, dok su ovoj rundi najmanje zastupljene.

### AFGANISTANSKE PROVINCIJE IZ KOJIH DOLAZI NAJVEĆI BROJ MIGRANATA



Od ukupno 578 migranta bez smještaja u PPC-u, **410 ih je izjavilo da su u BiH ušli iz Srbije**, 56 iz Crne Gore, 7 iz Albanije, dok 105 migranata ne zna odgovor na ovo pitanje. Slično prethodnoj vježbi, **najviše migranata (70%) je u BiH ušlo pješke**, što je 15% manje u odnosu na prethodnu rundu, te ostalim sredstvima prevoza kao što je autobus (1%). U ovoj rundi ni jedan migrant nije prijavio da je ušao koristeći taxi. Za 28% migranata način transporta je nepoznat.

### STATISTIKA PREMA SPOLU I DOBNOJ SKUPINI




3. Broj posjećenih lokacija odnosi se na ukupan broj mikrolokacija koje imaju jedinstvene geografske koordinate. Od ukupno 174 lokacija, u 104 nije zabilježeno prisustvo migranata.

4. Informacija o nacionalnosti je bazirana na deklaraciji migranata prema državnim vlastima.



PRISUTNOST MIGRANATA IZVAN CENTARA 174 Posjećene lokacije u  
Bosna i Hercegovina est. 578 MIGRANATA IZVAN PRIVREMENIH  
09. Novembar 2021 PRIHVATNIH CENTARA\* 6 Kantona 32 Općina



Prema lokacijama na kojima su pronađeni migranti, od ukupnog broja, većina migranata 170 (29%) se nalazila u improvizovanim barakama ili šatorima, zatim 150 (26%) u napuštenim objektima, 46 (8%) na otvorenim lokacijama, uključujući autobuske i željezničke stanice, 103 (18%) u privatnom smještaju, 66 (11%) u plaćenom privatnom smještaju, 38% (7%) u plaćenom hostelskom smještaju i 5 (1%) na ostalim lokacijama. Važno je istaknuti da u većini slučajeva, lokacije na kojima su migranti zatečeni su mjesta na kojima zapravo i borave, isključujući lokacija na otvorenom, kao što su autobuska i željeznička stanica, koje ukazuju na tranzit prema drugim mjestima. U skladu sa korištenom metodologijom, migranti koji odsjedaju u plaćenom hostelskom smještaju uvršteni su grupu onih koji ne borave u zvaničnim PPC-ima u kojima se nudi humanitarna pomoć. Stoga je bitno naglasiti da migranti svjesno odbijaju da ne borave ni u jednom od postojećih PPC-a jer su u mogućnosti da se samostalno izdržavaju, a o kojima u sklopu svakodnevnih aktivnosti informišu IOM, SPS i drugi humanitarni akteri.

## GEOGRAFSKA RASPOREĐENOST

Većina migranata izvan PPC-a se nalazi na prostoru Unsko-sanskog kantona (USK), dok ih je u poređenju sa prethodnim rundama manji broj prisutan u Kantonu Sarajevo (KS), Tuzlanskom kantonu (TK) i Hercegovačko-neretvanskom kantonu (HNK). Prisustvo migranata nije zabilježeno na posjećenim lokacijama u Zapadnohercegovačkom kantonu (ZHK) i Kantonu 10. U USK je locirano ukupno 449 migranata (78% od ukupnog broja), u KS 103 (18%), u HNK 8 (1%).

## ZDRAVSTVENE POTEŠKOĆE I RANJIVOSTI


Upitnik je dizajniran na način da omogući prikupljanje informacija o pojedinačnim stanjima i ranjivostima prisutnim među ispitanicima. Identifikovane ranjive kategorije predstavljaju 11% od ukupne migrantske populacije mapirane izvan službenih centara u BiH: **26 djece ispod 5 godina, 24 djece bez pratnje između 15-17 godina, 8 osoba sa zdravstvenim poteškoćama, 1 osoba starija od 60 godina i 1 osoba sa invaliditetom.** Prikupljanje podataka u ovoj vježbi je bilo usmjereno i na vrste medicinskih problema među migrantima koji borave izvan PPC-a, baziranih na observaciji od strane popisivača. Na ovaj način se pokušava uvidjeti postoje li nezadovoljene medicinske potrebe, te ukoliko su migranti u stanju potrebe za medicinskom asistencijom, da li su istu primili u posljednje dvije sedmice. Od ukupno 36 migranata, koji su izjavili da su bili u potrebi za medicinskom pomoći u posljednje dvije sedmice, njih **80% (29) je izjavilo da je nisu primili.**

### IDENTIFICIRANE RANJIVE KATEGORIJE





KRAJNJE DESTINACIJE




KRAJNJE DESTINACIJE

U sedmoj rundi, države koje su iskazane kao krajnje destinacije su Njemačka (41%), zatim Italija (28%) i Francuska (7%). Za razliku od prethodne runde u kojoj se spominje Italija, u Rundi 07 Njemačka je jedina krajnja destinacija spomenuta od strane svih većih nacionalnih grupa (Afganistanci, Pakistanci i Iranci). Većina Afganistanaca je iskazala namjeru za odlaskom u Njemačku (40%), zatim u Italiju (28%) i Francusku (5%). Za migrante iz Pakistana, primarna krajnja destinacija je Italija (57%), zatim Njemačka (16%) i Švicarska (8%). Za državljane Irana, primarna krajnja destinacija je Njemačka (79%), dok je za ostale ta destinacija nepoznata (21%).

REFERISANJE I INFORMISANJE

U Rundi 07, većina migranata (42%) je izjavila da su proveli između jednog i tri mjeseca u BiH, dok je 32% izjavilo da su proveli više od tri mjeseca, što predstavlja smanjenje u odnosu na Rundu 06. Nadalje, procenat migranata koji su izjavili da su proveli više od 90 noći izvan prihvatnih centara u BiH je 30% što je za 7% manje u odnosu na prethodnu rundu. Što se tiče prethodne runde, tek 7 (manje od 1%) od ukupno 578 migranta izvan PPC-a je izjavilo da je zainteresovano za smještaj u jednom od centara. Počevši od runde 03, predstavljen je novi set pitanja o poznavanju alternativnih humanitarnih opcija koje za migrantsku populaciju nude humanitarni akteri u BiH. Procenat migranata koji su upoznati sa mogućnošću dobrovoljnog povratka i reintegracije (AVRR) u matičnu zemlju, koju provodi IOM je 33% od svih ispitanika, što je za 28% manje u odnosu na Rundu 06. Samo 6 migranata je izjavilo da je zainteresovano za dodatne informacije o AVRR-u jer nisu bili upoznati ranije. Također, samo 2 migranta (manje od 1% ukupnog broja) je izjavilo da su zainteresirani za povratak u matičnu zemlju preko AVRR-a. Četiri migranta su izrazila želju za ostanom u BiH, dok je 68% migranata (391) zainteresovano za više informacija o legalnim osnovama i mogućnostima za boravak u Europi.

DUŽINA BORAVKA U BIH



6. Za više informacija o metodologiji, posjetite web stranicu IOM BiH.

METODOLOGIJA <sup>6</sup>

Displacement Tracking Matrix (DTM) je sistem za praćenje i monitoring migracionih tokova. DTM omogućava prikupljanje, obradu podataka kao i naposljetku redovne i sistematične informacije koje pružaju bolje razumijevanje kretanja i potreba migracione populacije, kako u raseljenim mjestima, tako i u tranzitu. U BiH, DTM prikuplja podatke o nacionalnostima u tranzitu i prilikom ulaska u državu kao i podatke i brojeve migranata smještenim u PPC od 2017 godine, kao dio šireg projekta monitoringa migracionih tokova kroz Zapadni Balkan na putu ka EU.

Način prikupljanja podataka – 7. vježba

Geografska pokrivenost

32 općine u 6 kantona Federacije Bosne i Hercegovine (FBiH), odabranih od strane IOM-a zbog velikog broja prisutnih migranata na tim područjima. Ukupni broj posjećenih lokacija uzima u obzir mikrolokacije. Pod mikrolokacijom se podrazumijeva jedinstvena lokacija sa svojim specifičnim geografskim koordinatama.

Ciljana populacija

Stranci koji putuju ili su naseljeni u BiH izvan PPC-a. Migranti koji su već smješteni u jedan od PPC-a nisu uključeni u ukupnu statistiku.

Vremenski okvir

Sedma runda je održana 09. novembra 2021. godine.

Popisivači

9 timova i ukupno 28 popisivača (22M, 6Ž), na engleskim, arapskim, dari, farski, turskim i pašto govornim vještinama, zajedno sa 11 SFA inspektora (8M, 3Ž), po jedan u svakom timu, koji su pružili asistenciju i pristup lokacijama, i 10 uposlenika Crvenog križa FBiH (6M, 4Ž).

Metode prikupljanja podataka

Anketa je dostupna u printanoj formi i online/mobilnoj KoBo formi na engleskom jeziku. Svi prikupljeni podaci se spremaju na Kobo Server kojim upravlja IOM sa sjedištem u Ženevi.

Ograničenja

IOM je uspostavio stalnu prisutnost u određenom broju kantona u BiH kako bi mogli pružiti podatke o broju migranata prisutnih van PPC-a u određenom trenutku. Vježba prikupljanja podataka je sprovedena uz određena ograničenja:

- Geografska pokrivenost je ograničena na određeni broj lokacija i kantona u FBiH, pokrivajući oko 25% teritorije BiH. Postojeća ograničenja su:
  - Ograničen broj dostupnih uposlenika – unatoč angažmanu SPS-a i CK uposlenika u vježbi prikupljanja podataka.
  - Postojećim zabranama pristupa određenim lokacijama posebno u Unsko-sanskom kantonu.
- Prisutnost osoblja SPS-a tokom provođenja vježbe omogućuje pristup većini lokacija, ali može ometati učestvovanje migranata na drugim lokacijama i/ili uzrokovati pristranost migranata u odgovorima na pitanja.

Ovoga puta na prikupljanje podataka su u mnogome uticale velike poplave koje su pogodile državu, onemogućavajući pristup nekim lokacijama na kojima migranti obično borave, a za koje znaju IOM i drugi humanitarni partneri.